



Broj: 15-03-16-5-82-64/19

Datum: 2.3.2020. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav 1. Zakona o javnim nabavkama („Službeni glasnik BiH“, broj 39/14) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

O D L U K U **o izboru najpovoljnijeg ponuđača**

Član 1.

Najpovoljniji ponuđač u postupku javne nabavke **usluga korišćenja interneta u Mostaru – LOT 4**, objavljenom na *web* portalu Agencije za javne nabavke Bosne i Hercegovine, broj Obavještenja o nabavci 1110-1-2-1-3-2/20 od 14.1.2020. godine, za koju je primijenjen otvoreni postupak, je **BH Telecom d.d. Sarajevo – Direkcija Banjaluka**.

Član 2.

Ova odluka će se dostaviti ponuđačima u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom donošenja.

O b r a z l o ž e n j e

Rok za dostavljanje ponuda je bio 6.2.2020. godine do 10:00 sati, te je po provedenim aktivnostima Komisija za provođenje postupka javne nabavke konstatovala da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigle dvije (2) ponude i to ponuđača JP Hrvatske telekomunikacije d.d. Mostar i ponuđača BH Telecom d.d. Sarajevo – Direkcija Banjaluka. Neblagovremenih ponuda nije bilo.

Prema specifikaciji navedenoj u Tenderskoj dokumentaciji, a nakon provedenog postupka analize i ocjene ponude Komisija je izradila Zapisnik o pregledu i ocjeni ponuda, broj 15-03-16-5-82-11/19 za LOT 4, a u kojem su detaljno obrazloženi razlozi za izbor najpovoljnijeg ponuđača.

Zapisnički je utvrđeno da ponude ponuđača ispunjavaju sve zahtjeve u pogledu opisa predmeta nabavke, uslova kvalifikacija i tehničkih specifikacija.



Analizom ponuda, te nakon provedene e-aukcije i primjenom kriterijuma najniže cijene, Komisija je utvrdila da je najpovoljnija ponuda ponuđača BH Telecom-a d.d. Sarajevo – Direkcija Banjaluka, sa ukupnom četvorogodišnjom cijenom pretplate od **1.636,80 KM bez PDV-a, odnosno 1.915,06 KM sa PDV-om**, te s obzirom da ista u ekonomskom i tehničkom smislu u potpunosti zadovoljava zahtjeve Agencije data je preporuka da se donese odluka o izboru ponuđača za najpovoljnijeg.

Na osnovu prijedloga Komisije odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja Agencije, a što se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem Agencije, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).



DIREKTOR

Dr. sc. Arif Nanić

Signed by: ANANIC
дигитално потписано / digitalno potpisano / digitally signed